

永樂北藏

永

樂

北

藏

趙樸初題



图书在版编目 (CIP) 数据

永乐北藏 / 赵朴初名誉主编. — 北京: 线装书局, 2000.2

ISBN 7-80106-052-0

I. 永… II. 赵… III. 大藏经 IV. B941

中国版本图书馆 CIP 数据核字 (1999) 第 73752 号

永樂北藏(二〇〇冊)

出版發行 綫裝書局(北京朝陽區春秀路太平莊十號)

責任編輯 李立

裝幀設計 顏菲菲

印 刷 三河燕郊玉成古籍印裝廠

版 次 二〇〇五年一月第一版第二次印刷

印 數 〇〇一—一〇〇

書 號 ISBN 7-80106-052-0/B·1

定 價 八八〇〇〇圓

ISBN 7-80106-052-0



9 787801 060525 >

永樂北藏第一三五冊目錄

- 經律异相 續前 (本冊卷第四十五至卷第五十 相五—十) ..... 一  
○諸經要集 三十卷 唐道世撰 (本冊卷第一至卷第十七下 路一—槐六) ..... 一五五

長髮女人捨髮供養佛一

獨母見沙門神足願後生百兒二

母人懷妊過佛願以兒為道三

老母懷病時見地獄婢行善觀有天堂四

母人為比丘起屋壽終生天手出眾物五

母二兒溺死哭知浮者六

摩那祇女懷孟謗佛地即震裂身陷地

獄九

童女火氣入身懷妊生端正子十

女人懷妊口常誦經生兒多智為衆人

所宗十一

女人懷妊生四種異物十二

姪蕩婦人苦一沙門沙門心至火變為

經律異相卷第四十五

相五

梁沙門僧旻寶唱等奉勅撰

女庶人部第三十五

長髮女人捨髮供養佛一

獨母見沙門神足願後生百兒二

母人懷妊遇佛願以兒為道三

老母慳病時見地獄婢行善觀有天堂四

母人為比丘起屋壽終生天手出眾物

五

母二兒溺死哭知浮者六

婦人化壻戶上懸鈴使聞聲稱佛後免

地獄七

瞻婆女人身死闇維於火中生子八

摩那祇女懷孟謗佛地即震裂身陷地

獄九

相五

童女火氣入身懷妊生端正子十

女人懷妊口常誦經生兒多智為眾人

所宗十一

女人懷妊生四種異物十二

姪蕩婦人苦一沙門沙門心至火變為

水十三

女人心緣丈夫誤繫兒入井十四

換貸自取取多還少命終為犢十五

青衣割食施辟支佛立改醜顏得為夫

人十六

醜婢臨水見他影謂其端正十七

長髮女人捨髮供養佛第一

昔有一女端正紺髮髮與身等國王夫人請  
顧髮與千兩金而不肯與見佛歡喜願設供  
養請其父母乞為呼之父母言家貧無以飯

之女言取髮直以用供養父母白佛願明日  
暫顧微飯女割髮與王夫人夫人知其緣急  
但與五百兩金女取金買食歡喜無量悔昔  
慳貪今世貧窮願令我後莫值此苦女見世  
尊金光五色照其門內頭面著地遶佛三匝  
頭髮還復如故佛言此女先世貧無可施常  
持頭面著地作禮後八十一劫常生人中此  
福已盡命終今生貧家猶識功德見我歡喜  
福祐無量命終當生第二忉利天上盡天福  
壽當發菩薩道心女父母兄弟莫不歡喜命

盡生天

出十卷 譬喻經第三卷

獨母見沙門神足願後生百見第二

昔有獨母賃守田園主人有事餉過食時食至欲食沙門從乞以所食分盡著鉢中一莖蓮華又以貢奉道人即現神足母喜歎曰真聖人乎願我後生百子若茲母終為梵志嗣其神靈集梵志小便之處鹿舐小便即感有身時滿生女梵志育焉年至十餘守居護火女與鹿戲不覺火滅父令索火女至人聚步一蓮華火主曰爾繞吾居三市以火與爾女

永樂北藏

經律異相

即從命華生陸地圍屋三重國王聞之召問相師師曰必有聖嗣傳化無窮王命賢臣娉迎還宮懷妊月滿乃生百卵后妃逮妾靡不嫉焉以囊盛卵密覆其口投江流中天帝釋下以印封口諸天翼衛從流亭止由柱植地下流之國其王和五於臺遙覩水中有囊流下煒晃光耀似有軋靈取而觀焉覩帝釋印發得百卵懷育溫暖時滿體成產為百男生有聖智不啓自明相好希有力勢兼百王具白象百頭以供聖嗣征伐鄰國莫不降伏又伐所

第一三五冊

生父王之國王曰孰有能却斯敵者乎母曰  
大王無懼爲王降之即登樓觀揚聲謂曰夫  
逆之大其有三矣一不遠羣邪招二世苦二  
生不識親而逆孝行三恃勢殺親毒向三尊  
懷此三逆者其惡無盡爾等張口信現乎今  
母捉其乳天命湏臾遍百子口精誠之感飲  
湏情哀僉然俱曰斯吾母矣叩頭悔過親嗣  
如會靡不哀慟二國和睦靡不稱善諸子覩  
世無常辭親學道遠世穢垢九十九子皆得  
緣覺一子理國父崩爲王大赦衆罪開藏布

施民人無乏化以十善正善治國興立塔寺  
供奉沙門誦經論道口無四惡天帝養護由  
親育子留爲王者即吾身是父者今白淨王  
是母者舍妙是

山度無松  
集第二卷

母人懷妊遇佛願以兒爲道第三

有一母人懷妊數月見佛及僧心自計言我  
生子如此使作沙門爲佛弟子月滿生男姝  
好異衆及年七歲家貧但作二人食及三法  
衣手持澡瓶將兒詣佛曰願哀我子使作沙  
門佛即聽之令以瓶洗兒手應時九龍從瓶

口吐水灌兒殘水散兒頭上化成華蓋中  
有師子座座上有佛佛笑出五色光照十億  
佛刹還繞佛身從兒頂入母以飯具上佛并  
食其子發無上道心十億佛刹六反震動諸  
佛自現以母飯施爾所諸佛及比丘僧皆得  
飽足初不損減兒髮自墮成爲沙門即得立  
於不退轉地

出十法華喻  
經第三卷

老母慳病時見地獄婢行善覩有天堂第四  
昔王舍城東有一老母慳貪不信其婢精進  
常行慈心念用二事利益羣生一者不持熱

湯澆地二者洗器殘粒常施與人老母得病  
雖有氣息鬼神將之入地獄中見火車鑪炭  
鑊湯涌沸刀山劍樹苦楚萬端老母見問許  
是何物獄卒答曰此是地獄王舍城東有慳  
貪老母應入其中老母自知悚然愁悸小復  
前行七寶宮舍妓女百千種種珍異問此何  
物答言天宮王舍城東慳貪老母有婢精進  
命盡生中老母忽活憶乎向事而語婢言汝  
應生天汝是我婢豈得獨受汝當共我婢答  
之言脫有此理輒當奉命但恐善惡隨形不

得共受耳母即不慳貪大作功德

出雜譬喻經

母人爲比丘起屋壽終生天手出衆物第五  
昔維衛佛從諸比丘六萬二千初從山出還  
父王國國王於城外割地立精舍諸比丘各  
得地分有比丘語左右家欲倩作屋男子不  
許其家老母手自爲之屋得成十指皆穿比  
丘坐中禪定一夜入火光三昧舍現大火母  
遙望見念我作屋尋便已燒何薄福乎母入  
屋故在但於火光中見比丘甚大歡喜壽終  
生天釋迦成佛天命未盡來下白佛明日飯

佛及聖衆佛默然受之波斯匿王又遣請佛  
佛曰已受天請王曰未嘗見天人下施何緣  
有此明日遣人候之不見施辦乃至禺中亦  
復寂然王勅備餽饌若無人爲吾當供之日  
中天至了不齋食但將諸天王女鼓諸音樂  
禮佛而住白曰時到即舉手巾衆事皆辦行  
水旣訖復更舉手出廚百味甘露在地手自  
斟酌衆會皆足王見驚欣澡畢白佛不審此  
天宿有何福手出百味福德乃爾佛爲王說  
前世手爲比丘作屋從是生天九十一劫手

出衆物福尚未終

出難譬前經第一卷

母二兒溺死哭知浮者第六

母生二子一不知浮墮水而終母都不哭一

知浮亦墮水亡母悲哭之人言前子不哭後

子而哭何耶母言前不知浮故其宜也後者

工浮其爲枉也

出十卷譬前經第八卷

婦人化壻戶上懸鈴使聞聲稱佛後免地獄

第七

昔有人不信婦甚事佛婦白壻曰人命無常

可修福德壻無心懶墮婦恐將來入地獄中

永樂北藏

經律異相

即復白壻欲懸一鈴安著戶上君出入時振

鈴作聲稱南無佛壻曰甚善如是經久其壻

命終獄卒投之擲鑊湯中投振鑊作音聲謂

是鈴聲稱南無佛獄官聞之此人奉佛放令

出去得生人中

出難譬前經

瞻婆女人身死閻維於火中生子第八

瞻婆國人事六師初未曾聞佛法僧名作極

惡業佛於爾時爲衆生故往瞻婆城時彼城

中有大長者無有繼嗣共事六師以求子息

於後不久其婦懷妊長者知已往六師所歡

第一三五册

喜問言爲男爲女六師答言生必是女長者  
愁惱復有知識來謂長者先不聞優樓頻螺  
迦葉兄弟爲誰弟子六師若是一切智者迦  
葉何故捨之從佛又舍利弗目犍連等及諸  
國王頻婆娑羅等諸王夫人末利夫人諸國  
長者須達等如是諸人皆佛弟子如來世尊  
於一切法知見無礙故名爲佛如來今者近  
在此住若欲實知當詣佛所爾時長者即詣  
我所以事問佛佛言長者汝婦懷妊是男無  
疑福德無比長者歡喜六師心嫉以菴羅果

和合毒藥持與長者快哉瞿曇善說其相汝  
婦臨月可服此藥兒則端正產者無患長者  
受之與婦令服服已尋死六師歡喜周遍城  
市唱言沙門瞿曇記彼長者婦當生男今兒  
未生母已喪命爾時長者復於我所生不信  
心即便殯殮棺蓋焚之我見此事已顧命何  
難取我衣來吾欲徃彼摧滅邪見爾時六師  
遙見佛往各相謂言瞿曇沙門至此塚間欲  
噉肉耶未得法眼諸優婆塞各懷愧懼而白  
佛言彼婦已死願不徃往爾時阿難語諸人

言且待須臾如來不久當廣開闡諸佛境界  
佛到長者難言所言無二兒母已終云何生  
子我言長者卿於爾時都不見問母命脩短  
但問所懷爲是男女諸佛如來發言無二是  
故當知定必得子是時死屍火燒腹裂子從  
中出端坐火中如蓮華臺六師見已謂爲幻  
術長者見已心復歡喜呵責六師若言幻者  
汝何不作我於爾時尋告耆婆汝往火中抱  
是兒來耆婆前入火聚猶入清涼大河抱持  
是兒還詣我所授兒與我我受兒已告長者

言一切衆生壽命不定如水上泡衆生若有  
重業果報火及毒螫並不能害非我所作時  
長者言善哉世尊是兒若得盡其天命唯願  
如來爲立名字佛言長者兒生於猛火之中  
火名樹提因名樹提

出大涅槃經  
第二十八分

摩那祇女懷孟謗佛地即震裂身陷地獄第  
九

佛在舍衛國無數大衆爲說要法時有外道  
弟子摩那祇女宿罪深重身帶木孟以衣覆  
之出舍衛城至祇洹寺遙見世尊與無數衆

而爲說法歡喜踊躍不能自勝今日要當在此衆中毀辱瞿曇令我等師得致供養乃至衆中而說偈言此說法人使我此身懷妊有兒時大衆中多諸外道裸形梵志信佛者少習邪者衆聞此女語皆共信用其信佛者內相三自思惟昔佛在宮捨王重位捐棄姝女出家學道成最正覺豈有心與此穢陋之女與共從事乎時釋提桓因在如來後執扇內自思惟此弊梵女云何乃興此意誹佛化爲白鼠啗木盂繫斷聲震大衆無不見者其中不篤

信者皆愕然此爲何聲乃震四遠其中信佛之人聞此音聲歡喜踊躍僉然同悅尋有一人從座而起手執木盂語彼女曰此是汝兒耶時地自開全身即入阿鼻地獄時女宗族追慕啼泣不能捨離不信佛者即起懺悔其中信者共相告曰誹謗之報其罪如是現驗如茲出摩那祇舍身入地獄經云後世童女火氣入身懷妊生端正子第十昔有長者名曰善施家有未出門女在家向火暖氣入身遂便有軀父母驚怪詰其由狀

其女實對不知所以父母重問加諸杖楚其辭不改遂上聞王王復詰責辭亦不異許之以死女即稱怨曰天下乃當有無道之王枉殺無辜我若不良自可保試見枉如是王即檢保如女所言無他增減語其父母我欲取之母對曰隨意取之用此死女爲王即內之宮裏隨時瞻養日月遂滿產得一男端正姝妙年遂長大出家學道聰明博達精進不久得羅漢道還度父母

出分別功德經第五分

女人懷妊口常誦經生兒多智爲衆人所宗

第十一

昔有比丘精進守法少持禁戒初不毀犯所可諷誦是般若波羅蜜其有聞此比丘音聲莫不歡喜有一小兒厥年七歲城外牧牛遙聞比丘誦說經聲即詣精舍禮拜比丘聽其經言時說色空卒聞即解兒大歡喜便問比丘比丘應答不可見意是時小兒反爲比丘解說其義昔所希聞比丘歡喜怪此小兒智慧非凡時兒即去還至牛所所牧牛犢散走入山兒尋其迹追逐求索時值一虎害此小

見小兒命終生長者家夫人懷妊口便能說般若波羅蜜從朝至暮初不懈息其長者家怪此夫人口爲妄語謂呼鬼病卜問譴崇無能知者是時比丘入城分衛詣長者門遙聞其聲心甚喜悅即問長者內中誰有說此深經長者報言我婦鬼病晝夜妄語口初不息比丘報言此非鬼病但說尊經佛之大道願得入內與共相見長者言善即至婦所比丘難問反覆披解即留比丘與作飲食展轉相謂夫人懷妊口誦尊經其音妙好後日長者

復請比丘悉令詣舍辦飲食具時夫人出禮衆比丘復爲說法諸有疑難不能及者盡爲解說衆僧歡喜日月滿足產得男兒適生又手長跪說波羅蜜夫人產已還復如本長者問言此爲何等比丘答曰眞佛弟子好養護

相五

十

人皆發無上正真道意五百比丘聞兒所說  
盡漏意解志求大乘得法眼淨是時兒者則  
吾身是比丘者迦葉佛是

出度無極  
集第六卷

女人懷妊生四種異物第十二

有夫妻二人無子祠祀天神以求係胤神即  
許之遂便懷妊生四種物一者梅檀斗盛米  
二者甘露瓶三者寶囊四者七節神杖其人  
歎曰吾求兒子更生餘物便到神所重求所  
願神即語言汝欲得子何物稱益答曰子當  
使令給養吾等神云今此米斗用之無盡甘

露蜜瓶食之無減而消百病珍寶之囊用之  
無損七節神杖以備凶暴兒子豈能辦此其  
人大喜還家試驗如言不虛遂成大富不可  
訾計國王聞之即遣衆兵欲往攻奪其人擎  
杖飛遊擊敵摧破强衆皆悉退散其人歡喜  
無復憂患

初五  
出譬喻經  
第七分

十一

姪蕩婦人苦一沙門沙門心至火變爲水第  
十三

有大迦羅越財富無數其子端正黠慧大好  
經道出家從師奉行經法師先令分衛七日